

2Tesaloniki samba ni

A tite hündigu kun Pol wärgē di pa

2Tesaloniki samba

ni

A tite nyu hunnam

A tite koŋ yoro a tomo Pol la dı yafu dondo Silvē weyrı kōynde Kırıstı benam weyga. (Silvē seere dömmü Silası la, ye na a tombə tomə tite yoro 7: 1-10.) Kırıstı benam wali koŋ fēyfa gu pegem Tesaloniki nyöu patıba. Fuma ba tılleni nyıfu ke a Daŋsa funde koŋ tənge gu te, gıwı nyıfu ke maŋsada maŋsada da a funde koŋ tetı, la guko gulle ba gaŋ a walam, la ba feyfu sərba foore ni .

La a tite koŋ ni kō Pol boŋə dı gunatı Tesaloniki nyöu patıba namba humnı keregi nahı, la dı boŋ dı pa ba a bentı ke ba hıku gəŋgəŋ mbaa la a wargə kesey Zezi bōru naŋgu gulle, maana ba da kun ba fey la, la ba baŋı a hārēy.

Pol posru Kırıstı fuma bunma wē Tesaloniki

1 ¹ Mko Pol, Silvē la Timote la wārgı Tesaloniki Dufre fuma mentı-n-dondre bunma a Dufre v sa la a Daŋsa Zezi Kırıstı halfu beŋ ni; ² Maana a Dufre v sa la a Daŋsa Zezi Kırıstı baŋı na ni la ba pa na a bəəni.

A gıruv hun bellı tugo a Kırıstı hoŋ benam funde weyga

³ Mu sabu Kırıstı yoro, v heme v posru a Dufre barka wakati kama na furo ni, la gu make, saba na nyöu panam yagu yıganı handa, na la dombə tılleni boŋey dakrı gu yagu. ⁴ Guko la pa, v nantı v gulle nakı gulle a Dufre dāy ni , na nyöu bagam, la na nyöu panam gulle, a wargə kesey a fuma kun wargrı na Zezi seere gulle la a kaŋeyŋa hun na narı heŋ yoro. ⁵ A wargama heŋ a siləŋkeenə kun hūŋsrı ke a Dufre gıruv heŋ make, la da ı pa na maku la a Dufre halmu yoro zuəm, hun gulle na wargrı. ⁶ A nyöu, a Dufre anı maku la: Dı gərgra bunma wargrı na ni a wargə kesey hun ba wargrı na (heŋ dıruv), ⁷ la dı pata nakı bunma wē a wargə yoro la ukı a fōonanam, kunnıv a Daŋsa Zezi bellı sırı a döba ni dı be la a maalekav gaabi samba, ⁸ a hāntı nyırıhı yoro, da dı nyumōn bunma bēy a Dufre la bunma ba soŋe v Daŋsa Zezi Kıbaaru döndögu koŋ. ⁹ Ba nyumōnam bagra a yeyam fastı fastı, ba hēystı la a Daŋsa yıga la dı dubey hun hūŋsrıv dı gaabi kesey, ¹⁰ kunnıv dı bellı be, da a funde koŋ funde a fuma bunma dı halfu, la pa dı a nyöu namba dıbsu dı, la dı baŋı a booni ba dıruv ni; bine nakı, na pane a nyöu a kəseti kun v pane naŋgu ni. ¹¹ Guko la pa, v zāanı na ni a Dufre v ba dögra, kun patı v Dufre kundıv ke na make la a yıram hun dı yıre na, la la dı gaabi ni na deystı na hibol a hārēy hun na boŋ na baŋı, la dı pa na a nyöu panam feyhi. ¹² Nuŋ kana v Daŋsa Zezi seere koŋ dara a dubey nakı ni, la dıko mu dıbsrə na, kana maku v Dufre la a Daŋsa Zezi Kırıstı hoŋ bagam.

A kaŋ kun baŋrı kun fendrı a Daŋsa benam weyga

2 ¹ V zāanı na, v sabu, kun zuru la v Daŋsa Zezi Kırıstı benam la v mentam dı puteni, ² ka na dögu wole wole nuŋ da grap na humnı zaŋ, wala na fungıv halı fu bene bo na ni ke a Daŋsa funde koŋ tənge gu te. Mbaa gu künde ke a annabıo la bo na ni, wala fu la bo na ni, wala a tite kun sırı v ga la, ka na be soŋ. ³ Maana ka fu kə zōgōm na, kana dölay ni la. Kala a Dufre ni bılam kesey fendı ı be, a Dufre tārō hun, dıko anı tırtı bone. ⁴ a alı anı zāntı dı gulle dı küstı kun ba yırtı a dufre la kun ba

potl durv, di yaga tugo mbaa a Dufre dan kon yoro di bo ke dikɔ le a Dufre. ⁵Na ba hündvfa ke m bole na ni konka kunnv m da wote na ga? ⁶La masan na nyaa kun hōfv di, da ka di deyst di pændati kala gu te gu wakati. ⁷Zaa masan nuj a zaabi tomə hērgi wē a wolam ni, la kala anu hōfv masan nuj nandi labatu la. ⁸Leni a Dufre tārō nandi keretrə, la a Danša Zezi yeyra di la di nyurē fusa, la di benam hej dubey midıgra di la (wala bagra di la bundv). ⁹A tārō nandi benam bagra la a Seytaani gaabi, la a hāynde v digə durv, a siləŋkeenəu, a waluma funfuhı ı zəgəm a fuma, ¹⁰la la ba make a Dufre yibre ni zəgəm digə durv da di zəgəm bunma bellı yey namba. Ba yeyra saba ba ba soje ba ba bojse a nyöv kun dey gu hoptu ba nanjuv. ¹¹Guko la pa a Dufre tunjuv ba ni a sumam kun hōfv a gaabi kun dargrı ba ba pa a wolou a nyöv, ¹²da bunma durv ba pane a nyöv, a nyöv, la a zaabi bagam la dəndv ba ni namba durv giru kətu.

Ba zōe na la da na da a hoptəm

¹³Halt la ukɔ, v sabu bunma a Danša boj handa bej, v heme v posu a Dufre barka fos na furo ni, saba a Dufre zōe la na zaa a kurgəm ni da na da a hoptəm, a Dufre Leŋkəm kun kərvu na hōle ni a Dufre ni, la na nyöv panam a nyöv ni zambaani ni. ¹⁴Konka gulle di yome la a kıbaru dəndvugv kun v sebe na ni nanjuv di yırı na, da na da a hōle v Danša Zezi Kurıstı dubey hej ni. ¹⁵Kɔ nuj, mu sabu, hıki na gu hanju, la na hōgɔ a seblamfı hun v seble na hej, hun v tugle na tilleni v wey la na wala hun v wārgə v tunjuv na ni. ¹⁶Maana v Danša Zezi Kurıstı dukɔ gulle, la a Dufre v sa anı bojı hu, la di bagı hu ni di pa hu a buna zəgəmam kun ba kendra la a tamhā hārēy, ¹⁷kanjal na buna la ba pa na a gaabi na bagı a hārēy a tomə la a weyga durv ni!

Zāa na hv ni a Dufre

3 ¹A kanj kun fēy, mu sabu zāa na hv ni a Dufre kun patı a Danša weyga kej lanjrı wole wole la ga da a dubey kana ga wē na ga ²La da v kō a hōyba la a humni goore samba bej ni, saba ba durv dɔ sontu ba pa a Dufre a nyöv. ³A Danša a nyöv bagrɔ la, di pata na la la a gaabi la di daala na la a zaabi. ⁴Kun zuru la na, a Danša pane hv a hōlaare; v pūrām kun v bolu na bagı na bagrı, na fēyrā na bagrı hu. ⁵Maana a Danša tobol na buna hej a Dufre boje y hej, la Kurıstı bun-svm nahı ni

Fv kama tofə di wɔl

⁶U sabu v bolu na ni a Danša Zezi Kurıstı hoj seere ni, na hēystı la a nyöv patıba sarstıgöv samba la bunma ba yommə a seblam hun v seble na hej. ⁷Nakɔ gulle nyaa kana na heme na zan v wole yabrey: saba v ba tugle na tilleni la a sar-sıgöv. ⁸U ba zāane fv kə a dv hun v da die, la v wole kūtu a fire a nyirē, kun patı ka v bagı fv kə na ni a degrey. ⁹U go dɔ a nyirē v pa na ye v walt, la v da bojse v pa na a nyanjanonj na yom. ¹⁰Saba, kunnv v wote na ga v da bole na ni nujka: «Fv ba bojka di wɔl, maana ka di di mu.» ¹¹Bine v dɔmɔn ba bolu ke fuma na tilleni a sar-sıgöv samba la, ba ba boj ba bagı kanj kə, kala ba gan ba nyufı la fuma sorba walt. ¹²U zāani a fuma hejka, la v segel ba a Danša Zezi Kurıstı seere ni ba nyı ba kulɔ ba wɔl, ba da ba dv ba gulle. ¹³Nakɔ kɔ, mu sabu ka na wargı la a hārēy bagam. ¹⁴Halt fv ba soje kun v bolu a tte konj yoro, kal na gu a walt la gu, la ka na menti la di kanj kə ni kun patı gu koy nyı di. ¹⁵La gu durv ka na ye di mbala a alb, la segel na di na mbala sabı.

A barke tiam la a posuu

¹⁶Maana a Daḡsa anı patı a bəəni, dı gille pa na a bəəni fos, kana dırv nı la! Maana a Daḡsa tugo la na dırv! ¹⁷Mkə Pol gille wōnde la wārgı a posuu heḡ. Koḡ le mv wōnde tikəm mv tıra heḡ dırv nyunı: mv wārgam le. ¹⁸Maana a Daḡsa Zezi-Krıstı baḡı na dırv nı.